

# KERATAN AKHBAR

---

TARIKH : 4 JANUARI 2023  
AKHBAR : BERITA HARIAN  
MUKA SURAT : 3

## Ahmad Zahid sambut baik cadangan bangunkan sektor TVET

### Ahmad Zahid sambut baik cadangan bangunkan sektor TVET

Putrajaya: Semua agensi di bawah Kementerian Kemajuan Desa dan Wilayah (KKDW) akan terus dibangunkan, khususnya membabitkan sektor Teknikal dan Latihan Vokasional (TVET), kata Datuk Seri Dr Ahmad Zahid Hamidi.

Timbalan Perdana Menteri berkata, beliau menyambut baik cadangan dan pandangan mengenai perkara itu yang dikemukakan oleh Majlis Profesor Negara (MPN) dalam pertemuan bersamanya, pagi semalam.

Beliau yang juga Menteri Kemajuan Desa dan Wilayah, berkata perbincangan dalam pertemuan itu selama lebih dua jam juga melihat kerjasama yang boleh dijalinan antara ke-

dua-dua pihak.

"Alhamdulillah, hari ini saya berbesar hati menerima kunjungan delegasi dari MPN yang diketuai Prof Ulung Datuk Dr Shamsul Amri Baharuddin, selaku Pengerusi MPN.

"Pastinya, dengan kepakaran ilmuan dan kluster yang wujud bawah MPN, banyak data, kajian, penyelidikan dan idea yang mampu diangkat untuk pembangunan negara bangsa.

"Dalam rentetan perbincangan, isu utama yang diangkat menjurus kepada isu pembangunan bawah KKDW yang membabitkan sektor pendidikan khususnya TVET," katanya dalam satu kenyataan mengenai pertemuan itu, semalam.

Pada masa sama, Ahmad Zahid berkata, beliau mengajak ilmuan yang bernaung bawah MPN, untuk turut bersama dalam membantu dan memberikan kepakaran mereka dalam isu kos sara hidup demi kesejahteraan rakyat.

Katanya, beliau juga berharap sesi perkongsian dan meraikan pendapat daripada ilmuan itu akan terus diadakan berikutan ia berfungsi sebagai satu 'koridor baharu' dalam usaha mendapatkan input terbaharu yang diperjuangkan dalam memastikan dasar pentadbiran negara sentiasa memenuhi aspirasi rakyat.

"Insya-Allah kita berjumpa pada sesi yang akan datang," katanya.



Ahmad Zahid bersalaman dengan delegasi Majlis Profesor Negara pada pertemuan di Putrajaya, semalam. (Foto FB Zahid Hamidi)